

## 'M PUNTU R'APPUÒJU

Gn juòrnu sanu nta-ll'arcu,  
appisu,  
l'uòcciu r'oru ti viru,  
a ttia, sulì,  
ccà ssùtta superbu a ttaliari.  
E a-ttia, faru ardenti,  
u llustru addhummannu  
e u caluri  
c'ardhuri ntô cori mi pasci  
e nti la menti.  
L'ùmm'ra  
tu ammecci mi cianti,  
na catina!  
ca i pieri m'amprùgna  
e a pena m'allonca r'aspittari.  
Ma ssa bbardanza nun vali  
se na nùvula l'uòcciu t'annòrba  
e a negghia  
ccu n sulu sciùsciu t'antuppa.  
E â sira, se a luna ti spogghia e ti curca,  
nun vali  
se rrèstunu i stidhi,  
tanti, ma fridhi e mmiriùsi.  
E io, se ô scuru mi spierdhu,  
e u ijèlu mi cogghi,  
ccà, sulu, cchi ffazzu ?

M'addhumu a cannìla  
e na cutra m'antuppu  
e sta sorti mi cianciu 'ncuzzatu?  
Fuorsi è mmiegghiu ca canci caminu,  
cciù bbicinu, cciù umanu.....  
Ma tu rici : “ ‘N zia mai !”  
E allura ?  
Ah putissi...truvàri putissi n'appuòju  
unni ciantàrici i pìeri  
e cchê manu u munnu ammuttari  
gn jàutu !  
e ssiennu ch'è ttunnu

ccû fforza gghirallu  
viersu ri tia, sulì,  
e quannu vicinu ti sugnu  
l'ùmm'ra ca mi rasti, tâ tuornu,  
e cchê capidhi ntô pugno  
ti ciantu, fermu, nta m puntu,  
e u llustru m'â ddhari  
e u caluri  
ri juòrnu  
e â notti macari

---

UN PUNTO D'APPOGGIO- *Un giorno intero sull'arco / appeso / l'occhio d'oro ti vedo / sole / qui sotto superbo a guardare / E a te, faro ardente / la luce domando / e il calore / che d'ardore il cuore mi nutra / e la mente / L'ombra / tu invece mi pianti / una catena! / che i piedi mi sporca / e la pena m'allunga d'aspettare./ Ma questa baldanza non vale / se una nube l'occhio t'acceca / e la nebbia / con un solo soffio ti copre./ E la sera, se la luna ti spoglia e ti corica / non vale / se restan le stelle / tante, ma fredde e invidiose./ E io, se al buio mi perdo,/ e il gelo mi coglie / qui, solo, che faccio ?/ Mi accendo la candela / e una coperta mi copro / e mi piango questa sorte, sconsolato ? / Forse è meglio che cambi cammino / più vicino, più umano / Ma tu dici " Non sia mai ! "/ E allora ? / Ah potessi .....trovare potessi un appoggio / dove piantare i piedi / e con le mani spingere il mondo / in alto! / ed essendo rotondo / con forza girarlo / verso di te, sole / e quando vicino ti sono / l'ombra che m'hai dato, te la rendo / e con i capelli nel pugno / ti pianto fermo in un punto / e la luce mi darai / e il calore / di giorno e perfino la notte.*